

1452

11745

方

舟

集

二

方

身

世

三

膳錄貢生臣苗序濂

膳錄監生臣汪葆

欽定四庫全書

方舟集卷五

宋 李石 撰

五言絕句

題師永錫知縣畫老竹枯木二首

霜雪倚巖樹霧雲秋水槎且須高著眼上有曇鉢花
水墨三十年一枝更一節工夫不爭多儘立庭下雪
題李都畫枯木

毫端看運斤筆老木亦老莫盡春風枝秋來厭枯槁

次韻趙榮州題蘆鴈畫

畢弋橫前路江湖寄此身
平沙下雙鴈不見問津人

水仙花二首

碧雲玉搔頭對景山月皎
霜靜在更深風香我先曉
肌膚剪秋水垂雲出龍宮
我意得子珮笑許無言中

叱馭橋

鸞鳳飛綠壁虹蜺下飲溪
一家蠻瘴裏九折夕陽西

謁武侯廟

此地蛟龍伏中原
蛇豕多借君白羽
扇萬馬飲黃河

蠟梅二首

黃昏澹烟晴風健
香骨透煉金呈赤心
山月惜孤瘦
莫學卧鬢花嬌黃
媚粉額仙官道家粧
靜處立標格

鷄鳴關

關路入雲平
泥塗自送迎
書生無馬癖
客子效鷄鳴

次韻張當進題神君廟

桂檝方東泛荷衣已出塵
曲江尋相業猶是姓張人

子夜春歌二絕

新挑錦字書倒指歲月遠愁眉要深黛燈花已堪剪
瘦玉薄薄衫暈燈和月冷獨夜不禁春梨花碎簾影

題蘇氏巽風閣

蘇楠作閣乞名李石以巽風名勉以不忘東來之意

巽風起東南大地萬物小吳門共延矚匹練橫江表

扇子詩

雨挹春紅淺風酣晚藥稠看花不著意何事亦關愁
斯文悔少作自謂老更工不是舍人樣合住此山中

芳草遞春風三山立桂叢柳條隨駕綠花藥上林紅
釧動香飄麝簪低鬢拂鷗休遮笑裏面用比庭前花
火老不知秋螢飛風露下和月立梧桐幽人宜獨夜
竹影月來去荷香風送迎南窗枕書卧醉眼看山橫
水浸菩提坐風傳戒定香藕根金鎖骨花面玉毫光
月下九九仙雲間七七泉喚起吹簫子跨鶴飛上天
積雨莓苔色秋風松桂林莫隨蓬鬢改黃落見真心
海濶千江轉風翻大浪隨六鼇元未足不是下鉤遲

薰蒸香積厨精鑿午齋飴飴後且放參林下香一瓣
黑風吹海立雲水渺三韓蓑笠漁舟裏無心下釣竿
江海翱翔地舟行岸自移無心波浪裏鷗鳥不須疑
引手折纖枝月邊簪玉兒好與一杯酒酒香知是誰
衆水秋風勁羣鷗白雪和只宜閒坐釣湖海老烟蓑
風雨樓上笛燒春寬作程眉峯須小蹙梅子渾丸青
露冷藥珠珮五湖雲水深一枝春好在先寄月邊心

秋月二首

夜榻近虛簷獨卧玉蟾冷梧桐氣先奪端不礙清影
江草半黃落江雨催授衣衣中有斷線客子秋念歸

感事

一水遮金騎諸州辦甲衣書生投筆硯隨口說兵機
老大年光迫纖花又一春鵲占風外歲雞唱雨中晨
一徑清如掃柴門霽影多苔莓因鶴啄非是客經過
三起復三眠吹花漲雨烟浮萍增來色輕壓綠池蓮
苔掃彌旬雨花開數日晴蝶輕矜鬼翅罵巧學僮聲

綴綴復翹翹金絲並玉條醪醕與楊柳結託上青霄
踏碓村春急繰車並舍忙雀桃紅綴吻鷺粟碧成囊
茶寇征商急偷生蔽綠林江湖自有備盜賊豈初心
近日江西將常兵已駭聞不知蜂蠆陳敢抗虎貔軍
請借三分勢仍分七路兵是免雖乳臭莫近呂蒙營

六言絕句

扇子詩

節節荷風驛置疎疎竹雨龍慳歌枕幾聲鼓吹捲簾數

筆湖山

月樹吾人傾蓋風蟬老子聞韶喚起江湖春夢幾番鼓

角秋潮

眼界琉璃鳥度腹中沆瀣蟬清猗蘭羲獻父子瘦竹夷

齊弟兄

冷著松聲似雨凍教井水成冰猛火燒天燒地清凉谷

裏閒僧

晴日淺深著柳暖風高下吹花醉裏蝴蝶作夢醒後狂

蜂報衙

今古一場夢
嚙乾坤六博呼盧醉
裏猩禽著屐醒後驪
龍憶珠

修竿其釣莫釣短艇似漁非漁
歟乃一聲山水杏林夫子琴書

蜂蜜新房日課燕泥舊壘年勞
睡起香爐圓覺醉中山芋離騷

斬竹皮膚事業齊紈手腕工夫
跳出二乘火宅直饒一

段冰壺

猛火橫秋如爍銀河冷浸月脚三更獨立梧桐不恨夜涼衫薄

東海夜潮春枕西湖曉雪窺窗香佩幽蘭開國褐衣明月迷邦

鷄蟲日得日失鵬鷃風高風低天道先看陰隲人心何忍自欺

月波半浸楊柳穀雨初勻牡丹夜酒只堪歡酌春羅不

耐輕寒

師資為學之規朋友為學之勸說與潤屋千金何似傳

家萬卷

錦煖海棠欲睡絮濃楊柳初眠蝶老鬪高屨舞鴛鴦學

語如絃

冷熱衰盾之日清和夷惠之風天運自有常度世態人

情不同

顏子見善則遷子路有過則改懶則鮎魚上竿勤則大

鵬跨海

茶交君子之淡酒飲聖人之清醉為天下大老睡則吾

輩神兵

負笈無他奇貨筆端有力躬耕楚道頗思山谷蘭陵一

變荀卿

舍妹叙
州守學

葉葉深雲湛碧花花晴日搖紅當是身薰成種不干秋

水香風

栢樹庭前度夏荷花池上經秋若問西來拄杖何如南

金定四庫全書
去輕舟

僧扇

風輕匝破世界山僧如如自在箇中純白團圓洞然法

香水海

隱几今昔兩箇卧床左右一邊正要脚根著地莫教火

焰燒天

涪上拾遺今日泉聲一炷青雲會道傷春傷別世間惟

有司勲

杜謙
夫扇

春煖錦棠覆徑夏涼紅藕盈池九藥東籬綻菊一花南